



## MØTEINNKALLING

**Utval:** Arbeidsmiljøutvalet  
**Møtestad:** Formannskapssalen Herøy rådhus  
**Dato:** 13.04.2016  
**Tid:** 14:00

Melding om forfall til tlf. 70081300.

Forfall til møter i kommunale organer skal vere gyldig i hht. Lov om kommuner og fylkeskommuner § 40, nr. 1.

Varamedlemer som får tilsendt sakliste, skal ikkje møte utan nærmere innkalling.

---

**Dersom du ønskjer din habilitet vurdert i ei sak, må du melde skriftleg frå til politisk sekretariat om dette i god tid før møtet (Forvaltningslova § 8, 3. ledd).**

Fosnavåg, 07.04.2016

Olaus-Jon Kopperstad  
leiar

**SAKLISTE:**

Saksnr	Innhold
PS 7/16	Godkjenning av innkalling og sakliste
PS 8/16	Protokoll frå førre møte.
PS 9/16	Referatsaker
PS 10/16	Val av ny leiar for AMU 2016
PS 11/16	Plan for reduksjon i driftsutgifter/nedbemanning.
PS 12/16	Helseprofilrapport - Reinhaldsavdelinga
PS 13/16	Helseprofilrapport - Ytre Herøy ungdomsskule
PS 14/16	Rutinar i samband med oppfølging av avtale om bedriftshelseteneste (BHT)
PS 15/16	Årsrapport frå Hovudverneobod 2015 Referatsaker
RS 1/16	Organisasjonsendring. Prosessnotat.

Det vert orientert om:

- Pålegg frå Arbeidstilsynet v/eigedomsleiar.
- Oppstart av arbeidet med revisjon av arbeidsgjevarpolitikk og andre overordna dokument v/personal- og organisasjonsleiar.

PS 7/16 Godkjenning av innkalling og sakliste

PS 8/16 Protokoll frå førre møte.

PS 9/16 Referatsaker



HERØY KOMMUNE  
HEKØY KOMMUNE

Personal- og organisasjonsavdelinga

## SAKSFRAMLEGG

Sakshandsamar:	JVDH	Arkivsaknr:	2016/235
		Arkiv:	033

Utvalseksnr	Utval	Møtedato
10/16	Arbeidsmiljøutvalet	13.04.2016

### VAL AV NY LEIAR FOR AMU 2016

#### Tilråding:

Til ny leiar i AMU vert valt:

Særutskrift:  
Rådmannen si leiargruppe  
Arbeidstakarorganisasjonane

## **Saksopplysningar:**

I fylgje REGLEMENT FOR ARBEIDSMILJØUTVALET (K-sak 30/16)<sup>1</sup> punkt 1. skal Arbeidsmiljøutvalet velje utvalsleiar for eit år av gongen, og annan kvar gong frå arbeidsgjevar- og arbeidstakarsida.

### **«1. Val og samansettning**

*AMU består av 8 medlemmar, 4 medlemmar frå arbeidsgjevar og 4 medlemmar frå arbeidstakarane. Ordførar og rådmann er faste medlemmar i AMU frå arbeidsgjevar. Politiske medlemmar og varamedlemmar vert valt. Rådmann peikar ut vara for seg. Hovudverneombod er fast medlem og arbeidstakarane sin representant i utvalet.*

*Medlemmane vert valt for 2 år om gongen. Utvalseiar vert valt for 1 år. Leiar vert valt mellom medlemmane, og annan kvar gong frå arbeidsgjevar- og arbeidstakarsida.*

*Herøy kommune sin kontaktperson frå bedriftshelsetenesta rådgjevande møter som rådgjevande organ utan stemmerett. Det same gjeld personal- og organisasjonsleiar, som også er fast sekretær for utvalet.*

*Ved likt stemmetal teller leiar si stemme dobbelt.»*

Per i dag er leiinga av utvalet slik;

- Leiar Olaus-Jon Kopperstad (Rådmann) for arbeidsgjevar
- Nestleiar Arnulf Goksøyr (Ordførar) for arbeidsgjevar

Både leiar og nestleiar fungerte i heile 2015.

## **Vurdering og konklusjon:**

**For at AMU skal ha leiing i trå med politisk reglement, lyt utvalet velje ny leiing.**

### Konsekvensar for folkehelse:

**Ingen**

### Konsekvensar for beredskap:

**Ingen**

### Konsekvensar for drift:

**Valet er naudsynt for at Arbeidsmiljøutvalet skal vere samansett i trå med politisk reglement.**

Fosnavåg, 21.03.2016

Olaus-Jon Kopperstad  
Rådmann

Jan Vidar Dammen- Hjelmeseth  
Personal- og organisasjonsleiar

Sakshandsamar: Jan Vidar Dammen- Hjelmeseth



Rådmannen

## SAKSFRAMLEGG

Sakshandsamar:	OJK	Arkivsaknr:	2015/525
		Arkiv:	124

Utvaksnsnr	Utval	Møtedato
11/16	Arbeidsmiljøutvalet	13.04.2016
	Formannskapet	19.04.2016
	Kommunestyret	28.04.2016

### PLAN FOR REDUKSJON I DRIFTSUTGIFTER/NEDBEMANNING.

#### Tilråding:

Kommunestyret sluttar seg til planen for reduksjon av driftsutgifter/nedbemanning slik han går fram av saksutgreiinga.

#### Særutskrift:

- Rådmannen si leiargruppe
- Hovudtillitsvalde

## **Saksopplysningar:**

I samband med budsjett 2016 viste det seg at framskrivne driftsutgifter var 7,0 mill. kr høgare enn driftsinntektene. Dette betyr at det ikkje var økonomisk dekning for planlagd drift (oppretta stillingsheimlar m.m.). For å balansere inntekter og utgifter, måtte det gjerast ein rammeredusjon i driftsutgiftene.

Utgangspunktet bør vere at framskrivne driftutgifter er lavare enn inntektene. Driftsnivået bør difor reduserast med minimum 7,0 mill. kr. Dersom det skal vere rom for investeringar, må driftsutgiftene reduserast ytterlegare.

I K-sak 192/15 vart det gjort slikt vedtak i pkt 9:

*«Kommunestyret ber om at stillingar vert haldne vakante så lenge det er forsvarleg. Kommunestyret ber vidare om at rådmannen i samarbeid med administrasjonen og dei tillitsvalde legg fram ein plan for reduksjon av lønsutgiftene/nedbemanning innan 01.03.2016.»*

Eg tek med frå side 18 i saksutgreiinga:

*«Driftsutgiftene er barberte ned til eit minimum. Det ser ut til å vere lite å hente dersom ein ikkje går på lønsutgiftene. Kommunen ser ut til å ha ei for høg bemanning i forhold til inntektene, og det ser ikkje ut som det er mogleg å få balanse mellom utgifter og inntekter utan at det vert gjennomført ein **reduksjon i lønsutgiftene/ nedbemanning**. Ei slik nedbemanning bør i hovudsak skje ved naturleg avgang.»*

Det er gjort ein gjennomgang i organisasjonen og eg har fått slik tilbakemelding:

## **Kultur**

### **4041 Kulturhus og idrettshall:**

For 2016 skal EIG investere i skalsikring på kulturhuset, og arbeidet med å definere sonene for dette har så vidt starta. Når dette er på plass vil vi kunne redusere stillingsheimlane for tilsynsvaktene frå 134 % til 100 %. Forventa innsparing tilsvarande 34 % stillingsheimel.

## **Eigedom**

### **Innsparingspotensiale omsorgssentera:**

På omsorgssentera våre har vi oftare reinhald enn omliggande kommunar. Når vi skal opne nye omsorgsbustader med base for heimeteneste så vert det mogleg å endre på frekvensane / stillingane utan å seie opp nokon.

Omliggande kommunar har reinhald på pasientrom 2 gongar i veka og ingen tilsyn på bada. Her med oss har vi reinhald av pasientrom 3 gongar i veka i tillegg har vi tilsyn på bada 2 gongar i veka. Her er det innsparingspotensiale – dersom vi skal gå over til same frekvens som omliggande kommunar.

Dersom dette vert aktuelt, så må vi også avklare kven tar seg av reinhald utanom reinhaldsplana – ved til dømes smitte. Omliggande kommunar yter ikkje meir reinhald utover reinhaldsplana.

## **Myrvåg området**

Kommunen ønskjer å få til eit samarbeid mellom reinhaldarane på Myrvåg omsorgssenter og Myrsnipa barnehage/legevakta, og at vi går over til dagvask ved Myrsnipa barnehage. Vi sparar kveldstillegget og sikrar drifta lettare.

Endringane vert tatt etter kvart vi har ledigheit i stillingane, eller så fort vi får avklaring for reinhaldarar som er ute i sjukepermisjon.

## **Utvikling**

Slik det ser ut no vil ei stilling ved utviklingsavdelinga vere den einaste som i løpet av nokre år kan takast som nedbemannning (naturleg avgang).

## **Økonomi**

I krevjande økonomiske tider burde ein styrke ressursane på økonomiavdelinga for å tilstrebe god internkontroll, men tida ikkje er inne for det akkurat no.

Økonomiavdelinga sitt bidrag frå 2017 er å redusere talet på årsverk med 0,3 tilsvarande om lag kr 170.000,-.

## **Personal**

Personalavdelinga har tilsette i alle budsjetterte stillingar.

## **Servicetorg**

Servicetorget har på kort sikt desse reduksjonane:

100 % i 6 månader

100 % i 12 månader

Redusert opningstid har positiv verknad med tanke på arbeidet ein utfører. I vurderinga må ein ta stilling til servicenivået ut til publikum og tilbakeføring av oppgåver til avdelingane.

## **Pleie og omsorg**

Ei 80 % stilling vert ledig frå 1.01.17 ( sum totale lønsutgifter kr 516 172).

## **Bu og habilitering**

Ei 50% miljøterapeutstilling i dagtenesta, 20% på Herøy produksjon og nokre småprosent på aktivitetssenteret er haldne vakante. Desse kan vi likevel ikkje kutte permanent, då arbeidet er der, men vi utsette tilsetting så lenge vi kan, mot at dei få som er igjen må arbeide meir. Det går for ein periode med fleksibelt personell som går inn i ein dugnad for avdelinga, og Herøy kommune.

Tiltaka i Bu-hab er difor:

- Halde stillingar vakante så lenge som det er mogleg.
- «Spare» på vikarvakter/vikarutgifter der det er mogleg.
- Arbeide for å redusere overtidsbruk.
- Halde sjukefråveret så lågt som mogleg.

## **Barn, familie og helse**

Avdeling barn- familie- og helse har per i dag ingen stillingar som er ledige. Det er heller ikkje kjent at vi i den nærmaste framtida vil få vakanse i stillingar. Dersom det skulle oppstå ledigheit, vil vi vurdere om, og eventuelt kor lenge, det vil kunne vere forsvarleg å halde stillinga ledig.

Avdelinga har per no deler av stillingar ledig. Dette er stort sett 20% av stillingar som vert haldne vakante ved tidsavgrensa permisjon pga. mindreårige barn. I desse tilfella er det umogleg å angi noko tal for reduksjon av lønsmidlar då det er usikkert kor lenge permisjonane vil vare. Dersom det viser seg at deler av stillingar har vore ledige i store deler av året, vil vi komme tilbake til dette på slutten av året.

### **Barnehage**

I samsvar med årsplanen for barnehageavdelinga så ser ikkje barnehageleiar annan mulegheit til reduksjon av lønsutgiftene enn å vurdere vikarbruken strengt. Skulle det i periodar vere færre barn i barnehagane, vil det føre til redusert bemanning der det er mogleg.

Barnehagane er så pressa bemanningsmessig med fulle barnegrupper og auka opningstid, at det ikkje er mogleg å gå under den gjeldande bemanningsnormen med tre årsverk per vanleg gruppestørleik. Ved ytterlegare reduksjon vil barnehagane ikkje kunne oppfylle samfunnsmandatet sitt og ein må vurdere om det lenger er bra for barn å vere i barnehage (forsvarlegheitsprinsippet).

Barnehagestyrarane vil likevel heile tida vurdere når ein kan unngå å bruke vikar.

### **Skule**

Innsparingstiltak:

1. Fortsatt aktiv vurdering av forsvarlegheit før innsetjing av vikar og tilsetjing i vakansar.
2. Innkjøp av det ein MÅ ha.
3. Om nødvendig for å nå innsparingskravet, redusere undervisningstimar, og dermed redusere stillingar. Dette frå 1.august 2016.

Vi kan ikkje kutte stillingar midt i eit skuleår, men kjem til å gjere dette frå 1.august 2016 dersom vi ikkje ligg i løypa til å klare innsparingskravet basert på pkt 1, når vi gjer opp status i mai.

### **Administrativ leiing**

Stillinga som assisterande rådmann står ledig.

### **KOSTRA**

KOSTRA- analysen 2013 hadde slik konklusjon:

*«Rapporten viser at Herøy gjennomgående er en svært effektivt drevet kommune. Med noen få unntak, har veksten på alle tjenesteområder de siste årene i Herøy vært lavere enn gjennomsnittet for landet. Dette betyr at produktiviteten er betydelig forbedret siste 5 år.*

*Det er alltid mulig å øke produktiviteten, men Herøy har nok tatt ut potensialet på de store områdene (skole og pleie og omsorg). På kultur og helseområdet har kommunen et nivå som ligger over hva man naturlig skulle forvente av en kommune med Herøyss inntektsnivå.*

*Der hvor kommunen derimot har et betydelig potensial er på brukerbetalingsiden. Gjennomgående er gebyr og brukerbetingar i Herøy svært lave. Når kommunen heller ikke har innført eiendomsskatt, blir der reelle brukerbetalingsiden vesentlig lavere enn det som er normalt å forvente av en kommune på Herøyss størrelse og med det inntektsnivået man har på frie inntekter.»*

**Vurdering og konklusjon:**

Oppsummert er potensialet for reduksjon i driftsutgiftene/nedbemanning slik:

<b>Avdeling</b>	<b>Stillingstorleik</b>	<b>Innsparing</b>
Kultur	0,45 stilling	220.000
Eigedom	Innsparing reinhald	2.000.000
Utvikling	1,0 stilling	700.000
Økonomi	0,3 stilling	170.000
Personal og organisasjon	-	-
Servicetorg	1,0 stilling	650.000
Pleie og omsorg	0,8 stilling	520.000
Bu- og habilitering	Vikarbruk/vakansar	Ikkje talfesta
Barn, familie og helse	-	-
Barnehage	Vikarbruk/fleire barn per avd.	Ikkje talfesta
Skule	Reduserte undervisningstimar	Ikkje talfesta
Administrativ leiing	1,0 stilling	1.200.000
<b>Samla innsparing</b>		<b>5.460.000</b>

Rådmannen rår til at kommunestyret legg denne planen til grunn for reduksjon av driftsutgiftene/nedbemanning i samband med budsjett 2017, med unntak av stillinga i Utviklingsavdelinga der det er usikkert når innsparingspotensialet kan gjennomførast.

Det vil truleg vere behov for ytterlegare tiltak for å redusere driftsutgiftene. Dette vil eg kome attende til i samband med budsjettprosessen. Her vil det også vere nødvendig med ein ny gjennomgang av oppdaterte KOSTRA-tal i vurderinga av kvar det kan vere eit innsparingspotensial.

Fosnavåg, 09.03.2016

Olaus-Jon Kopperstad  
Rådmann



HERØY KOMMUNE  
HEKØY KOMMUNE

Personal- og organisasjonsavdelinga

## SAKSFRAMLEGG

Sakshandsamar:	JVDH	Arkivsaknr:	2016/433
		Arkiv:	441

<b>Utvalseksnr</b>	<b>Utval</b>	<b>Møtedato</b>
12/16	Arbeidsmiljøutvalet	13.04.2016

### HELSEPROFILRAPPORT - REINHALDSAVDELINGA

#### Tilråding:

AMU tek rapporten til vitande.

Særutskrift:  
Eigedomsleiar  
Reinhaldsleiar

#### Vedlegg:

## **Saksopplysningar:**

Personal- og organisasjonsleiar vil munnleg gjere greie for rapporten sine hovudtrekk. Vidare vil det verte gjort grie for eventuelle tiltak som fylgje av funna i rapporten.

Sjølve helseprofilrapporten vil verte delt ut i møte, og er unntake offentlegheita jf. Off.lova § 13.

## **Vurdering og konklusjon:**

**AMU tek rapporten til vitande.**

Konsekvensar for folkehelse:

**Ingen**

Konsekvensar for beredskap:

**Ingen**

Konsekvensar for drift:

**AMU har vedteke at rapportar frå bedriftshelsetenesta skal leggjast føre utvalet, slik at det får best mogleg kunnskap om drift og HMS-arbeidet i avdelingane.**

Fosnavåg, 22.03.2016

Olaus-Jon Kopperstad  
Rådmann

Jan Vidar Dammen-Hjelmeseth  
Personal- og organisasjonsleiar

Sakshandsamar: Jan Vidar Dammen-Hjelmeseth



HERØY KOMMUNE  
HEKØY KOMMUNE

Personal- og organisasjonsavdelinga

## SAKSFRAMLEGG

Sakshandsamar:	JVDH	Arkivsaknr:	2016/236
		Arkiv:	441

<b>Utvalseksnr</b>	<b>Utval</b>	<b>Møtedato</b>
13/16	Arbeidsmiljøutvalet	13.04.2016

### HELSEPROFILRAPPORT - YTRE HERØY UNGDOMSSKULE

**Tilråding:**

AMU tek rapporten til vitande.

Særutskrift:  
Skuleleiar  
Rektor Ytre Herøy ungdomsskule

**Vedlegg:**

## **Saksopplysningar:**

Personal- og organisasjonsleiar vil munnleg gjere greie for rapporten sine hovudtrekk. Vidare vil det verte gjort greie for eventuelle tiltak som fylgje av funna i rapporten.

Sjølve helseprofilrapporten vil verte delt ut i møte, og er unntake offentlegheita jf. Off.lova § 13, 1.

## **Vurdering og konklusjon:**

**AMU tek rapporten til vitande.**

### Konsekvensar for folkehelse:

**Ingen**

### Konsekvensar for beredskap:

**Ingen**

### Konsekvensar for drift:

**AMU har vedteke at rapportar frå bedriftshelsetenesta skal leggjast føre utvalet, slik at det får best mogleg kunnskap om drift og HMS-arbeidet i avdelingane.**

Fosnavåg, 22.03.2016

Olaus-Jon Kopperstad  
Rådmann

Jan Vidar Dammen-Hjelmeseth  
Personal- og organisasjonsleiar

Sakshandsamar: Jan Vidar Dammen-Hjelmeseth



HERØY KOMMUNE  
HEKØY KOMMUNE

Personal- og organisasjonsavdelinga

## SAKSFRAMLEGG

Sakshandsamar:	JVDH	Arkivsaknr:	2016/82
		Arkiv:	441

Utvaksnsnr	Utval	Møtedato
14/16	Arbeidsmiljøutvalet	13.04.2016

### RUTINAR I SAMBAND MED OPPFYLGING AV AVTALE OM BEDRIFTSHELSETENESTE (BHT)

#### Tilråding:

Arbeidsmiljøutvalet tek «Rutinar i samband med oppfylging av avtale om bedriftshelseteneste (BHT)» til vitande.

Særutskrift:  
Rådmannen si leiargruppa  
Arbeidstakarorganisasjonane  
Hovudverneombod

#### **Vedlegg:**

## **Saksopplysningar:**

Organisasjonen har over tid arbeidd med å styrke samarbeidet med, og oppfylging av uttale og rapportar frå bedriftshelsetenesta.

Personal- og organisasjonsavdeling har eit særskilt ansvar i høve HMT-arbeidet i organisasjonen, jf. til dømes stillingsskildring<sup>1</sup>.

Arbeidsmiljøutvalet gjorde den 29. februar 2016 vedtak om at alle rapportar frå bedriftshelsetenesta skal leggjast fram for utvalet.

Personal- og organisasjonsavdelinga meiner av nemnde grunnar at det er eit stort behov for klare rutinar i høve oppfylginga og samhandlinga med/mellom BHT og avdelingane. Personal- og organisasjonsavdelinga utarbeidde difor forslag til rutine.

Rutinane er utarbeida med omsyn til den praksis, mynde og ansvar som er, og har utvikla seg over tid. Forslaget til rutinar vart lagt fram for Kontaktutvalet den 30. mars 2016 for drøfting. Kontaktutvalet sa seg samd i behovet, og forslaget vart godkjend med berre nokre språklege endringar.

## **Vurdering og konklusjon: (skal slettast om saka ikkje har konsekvensar for....)**

Administrasjonen ser det som føremålstenleg å ha rutinar i høve oppfylging av avtale om bedriftshelsestenesta.

Administrasjonen ber om at Arbeidsmiljøutvalet tek vedlagde forslag til vitande.

## ***Rutinar i samband med oppfylging av avtale om bedriftshelseteneste (BHT)***

### ***Innleiing***

*Ved kvart årsskiftet vert det utarbeidd handlingsplan over dei aktivitetane som skal gjennomførast i samarbeid mellom BHT og Herøy kommune, og som er ein del av arbeidet med helse, miljø og tryggleik (HMT) i Herøy kommune.*

*Dei ulike avdelingane/arbeidsplassane i Herøy kommune rullerer når det gjeld å få undersøking/oppfølging av BHT. Dette inneber at Personal- og organisasjonsavdelinga sit på oversikt over dei arbeidsplassane som til ei kvar tid står for tur. Normalt er det oppfølging av BHT med 3-4 års intervall. Nokre grupper tilsette har hyppigare undersøkingar, og fyl då eige oppfølgingsløp. Dette gjeld til dømes tilsette i brannvernet.*

---

<sup>1</sup> Jamfør personal- og organisasjonsleiar si stillingsskildring punkt 5, Teneste- og ansvarsområde for personal- og organisasjonsleiar, skal han/ho;

«Leie stabs- og støttefunksjon i samband med nærværsarbeid, sjukefråværsoppfølging og HMS-arbeid i heile organisasjonen

- a. Dette inneber ansvar for;
  - i samarbeid med nærmeste leiar kome med forslag til tiltak og tilrettelegging på arbeidsplassen
  - ii. å føre statistikk, drive analyse- og informasjonsarbeid og rapportere på overordna systemnivå
  - iii. å drive rettleiing og leggje til rette for kompetansehevande tiltak»

Gjennom rådgjeving, oppfølging av sjukefråværet, dialog med leiarar, tillitsvalde og vernetenesta m.m. får Personal- og organisasjonsavdelinga ofte innsikt i behov som er ute i organisasjonen. I tilfelle særskilde behov kan enkeltarbeidsplassar/avdelingar bli prioritert.

Med utgangspunkt i at BHT leverer ulike tenester tilpassa dei ulike behova i organisasjonen, er det venta at den einskilde avdeling vurderer kva tenester som best dekkjer deira behov. Det er likevel slik at det som vert avtalt må ligge innanfor rammeavtalen mellom Herøy kommune og BHT. Om ikkje må avdelinga ta kostnaden sjølv.

## **Ansvar**

1. Det er den einskilde leiar i lina som er eigar av rapporten og eventuelt den vidare arbeidsprosessen.
2. Personal- og organisasjonsavdelinga har den koordinerande og rådgjevande rolla både når det gjeld overordna HMT-arbeidet og i høve til BHT.

## **Forarbeid i samband med arbeidshelse-/miljøundersøking:**

1. Personal- og organisasjonsavdelinga sender ut informasjon til dei avdelingane som står for tur for oppfølging av BHT.
2. Det blir bede om tilbakemelding på særlege behov eller ønskjer ute i avdelinga.
3. Personal- og organisasjonsavdelinga nyttar dette som grunnlag når handlingsplanen vert utarbeida i samarbeid med BHT og hovudverneombod (HVO).

## **Etterarbeid i samband med arbeidshelse-/miljøundersøking:**

1. Etter at BHT har gjennomført arbeidshelseundersøking, arbeidsmiljøundersøking osv. vert det utarbeida rapportar av BHT som skal sendast til:
  - a. leiarane i lina, med kopi til
  - b. personal- og organisasjonsavdelinga.
2. Leiar i lina skal orientere plassverneombod (VO) og plassstillsvald (TV) om rapportane.
3. Personal- og organisasjonsavdelinga skal å orientere HVO om rapporten.
4. Med utgangspunkt i resultatet av rapporten skal øvste leiar lina vurdere:
  - a. om det skal settast i verk oppfølgingsprosess,
  - b. eller om rapporten berre er grunnlag for gjennomgang og informasjon i respektive avdeling.
5. Det skal i vurderinga takast særskilt omsyn til medverknad.
  - a. Leiar skal inkludere vernetenesta og tillitsvald i vurderingsprosessen.
  - b. Leiar kan kople på Personal- og organisasjonsavdelinga ved behov.
6. Personal- og organisasjonsavdelinga skal alle høve innan rimeleg tid ta kontakt med gjeldande avdeling for gjennomgang og vurdering om tiltak/handling er naudsynt.
7. Alle rapportar som vert utarbeida av BHT skal takast opp i Arbeidsmiljøutvalet, jf. vedtak i utvalet av 29. februar 2016.

Konsekvensar for folkehelse:

Konsekvensar for beredskap:

Konsekvensar for drift:

**Klårara grensenitt og ansvarsdeling i organisasjonen i høve HMT-arbeidet.**

Fosnavåg, 01.04.2016

Olaus-Jon Kopperstad  
Rådmann

Jan Vidar Dammen-Hjelmeseth  
Personal- og organisasjonsleiar

Sakshandsamar: Jan Vidar Dammen-Hjelmeseth



HERØY KOMMUNE  
HEKØY KOMMUNE

Personal- og organisasjonsavdelinga

## SAKSFRAMLEGG

Sakshandsamar:	JVDH	Arkivsaknr:	2016/462
		Arkiv:	440

<b>Utvaksnsnr</b>	<b>Utval</b>	<b>Møtedato</b>
15/16	Arbeidsmiljøutvalet	13.04.2016

### ÅRSRAPPORT FRÅ HOVUDVERNEOBOD 2015

#### Tilråding:

Arbeidsmiljøutvalet tek årsrapporten frå hovudverneombod 2015 til vitande.

Særutskrift:  
Rådmannen si leiargruppe  
Verneombod  
Arbeidstakarorganisasjonane

#### Vedlegg:

## **Saksopplysningar:**

### **Årsrapport frå Hovedverneombud 2015**

Eg hadde mitt første heile virkeår som HVO dette året og starta med å besøke verneomboda rundt i kommuneorganisasjonen. Dette gjorde eg for at vi skulle verte betre kjent og for at eg skulle sjå og høre meir om stoda rundt om på avdelingane. Vi fekk også diskuterte størrelsen på verneområda. Eg rakk å besøke 21 verneombod og opplevde det å gjennomføre dette som svært nyttig. Eg har brukt ein del av tida mi til å sette meg inn i kva vervet som HVO inneber og eg har også gjennomført 40-timars grunnopplæring i HMS. Personal- og organisasjonsavdelinga og HVO arrangerte verneombodsdag i 2015, der vart alle VO og leiarar med personalansvar inviterte.

Det var også ein god del arbeid med inndeling av nye verneområder, den saka var som kjent også oppe til godkjenning i AMU. Eg har vore med i saker som gjeld fysisk og psykososialt arbeidsmiljø. Har også delteke på vernerunder og branntilsyn. HVO har ikkje vore med på tilsyn frå Arbeidstilsynet. I tillegg til å vere med på faste møter som kontaktmøte, IA-møte, AMU, møte i plan og byggenemd har eg vore med på samarbeidsmøte med rådmann, i PO, BuHab og Eigedomsavdelinga.

### **Har også vore med på følgande:**

#### Prosjekt:

- AML §14-midlertidige tilsettingar.
- Tidsregistreringssystem.
- Organisatoriske endringar anlegg/driftsavdeling og utviklingsavdeling.
- NAV- omorganisering rus/psykiatri og flyktning.
- PO- Vikarbant/Bemanningsteam og nyorganisering heimetenestene/gul avdeling/ny avd.
- BuHab- Kompetansteam.

#### Samlingar i løpet av året:

- To VO-samlingar lokalt
- Tre HVO-samlingar i sjøstjerna. Der melder vi inn saker vi vil diskutere og deler relevant informasjon, i år har ma kommunereformen vore eit aktuelt tema.
- Ei HVO-samling for Møre&Romsdal, tema var omorganisering og kommunikasjon.
- Ei AKAN-samling med tema speleavhengigheit.
- To samlingar ang. kommunereformen.

#### Kurs:

- Grunnleggande kurs i HMS
- NAV-regi med følgande tema: Psykisk helse i arbeidslivet, oppfølging av sjukmelde og konflikthandtering.

Fosnavåg, 01.04.2016

Olaus-Jon Kopperstad  
Rådmann

Jan Vidar Dammen- Hjelmeseth  
Personal- og organisasjonsleiar

Sakshandsamar: Olaug Andreassen

## Referatsaker

## Referatsaker



## NOTAT

Til: Formannskapet

Frå: Rådmannen

Saksnr  
2015/525

Arkivkode  
124

Dato  
01.03.2016

### ORGANISASJONSENDRING. PROSESSNOTAT.

#### Mandatet:

I K-sak 192/15 vart det gjort slikt vedtak i pkt 10:

«Kommunestyret legg til grunn at det vert gjennomført organisatoriske endringar med verknad frå 01.01.2017 slik at det vert lagt betre til rette for å nytte ressursane på tvers i organisasjonen. For å styrke organisasjonen si evne til å gjere dei nødvendige omstillingane, vert leiarutviklingsprogrammet vidareført. Kommunestyret vil også gjennomføre Kommunekompasset. Det vert søkt KS om OU- midlar til dekning av kostnadene.»

Eg tek med frå saksutgreiinga side 15::

«Kommunen endra organisasjonsstrukturen i 2002/2003. Det vart då etablert servicetorg, stab/støtteavdelingar og tenesteavdelingane vart flata ut. Det var på dette tidspunktet nødvendig å bryte opp organisasjonen m.a. for å gje publikum betre service, samle stab/støttefunksjonane og for å kome tettare på dei ulike tenesteområda.

Tidene endrar seg. I dag er utfordringa at tenestene er for oppsplitta og det er for tette skott mellom avdelingane. Det er behov for ei sterkare koordinering av tenestene på tvers av avdelingsgrensene for å få til ei effektiv utnytting av dei administrative ressursane og tenesteressursane. Dette er bakgrunnen for at utviklingsavdelinga og anlegg- og driftsavdelinga vert slått saman til ei avdeling frå 01.01.2016. NAV og Barn, familie og helse vert også slått saman frå 01.01.2016.

Prosessen med organisasjonsendring bør halde fram med sikte på at ny organisasjon skal vere på plass 01.01.2017. Dette arbeidet skal skje i samarbeid med arbeidstakarorganisasjonane og rettane til dei tilsette må sikrast i prosessen.

#### Utfordringar:

- Rigge kommuneorganisasjonen slik at den til ei kvar tid er best mogleg rusta til å løyse oppgåvane.»

Vidare tek eg med frå side 18:

**«Driftsutgiftene er barberte ned til eit minimum. Det ser ut til å vere lite å hente dersom ein ikkje går på lønsutgiftene. Kommunen ser ut til å ha ein for høg bemanning i forhold til inntektene, og det ser ikkje ut som det er mogleg å få balanse mellom utgifter og inntekter utan at det vert gjennomført ein reduksjon i lønsutgiftene/ nedbemanning. Ei slik nedbemanning bør i hovudsak skje ved naturleg avgang.»**

**For at ei slik nedbemanning skal kunne skje med minst mogleg konsekvensar for tenesteytinga, må personalressursane utnyttast meir fleksibel og effektivt. Eg vil difor rå til at det vert gjennomført organisatoriske endringar i 2016 med samanslåing av tenesteområde slik at det vert lagt betre til rette for å nytte ressursane på tvers i organisasjonen. Slike endringar kan vere krevjande, og eg rår til at det parallelt vert arbeidd med kompetanseutvikling, spesielt leiarutvikling og organisasjonsutvikling.»**

Dette er den politiske bestillinga og grunnlaget for å sette i gang prosessen med sikte på endring i organisering.

**Mål:**

**Målsetjinga** for omorganiseringa kan då samanfattast og formulerast slik:

*Organisasjonsendringa skal føre til sterkare koordinering av tenestene og ressursane på tvers i organisasjonen og ei meir fleksibel og effektiv utnytting av dei administrative ressursane, personalressursane og andre ressursar.*

**Tidsfrist:**

Utgangspunktet er at ny organisasjon skal vere på plass 01.01.2017.

**Prosjektorganisering:**

Prosjektleiing:

Rådmann

Styringsgruppe:

Rådmann, 2 HTV og HVO.

Arbeidsgrupper:

Arbeidsgrupper etter behov der tillitsvalde også er representerte.

**Framdriftsplan:**

Fase 1 frå 01.01.2016-30.06.2016:

Oppgåve	Tid	Ansvar
Utarbeiding av prosessnotat.	Innan 20.01	Rådmann
Oppstart drøftingar leiargruppa	21. og 22.01.	
Orientering kontaktutvalet	27.01.	Rådmann
Opprette styringsgruppe	27.01	Rådmann
Dialog med leiarane enkeltvis (ism årsplan)	01.02, 02.02 og 03.02.	Rådmann
Opprette arbeidsgrupper	Innan utgangen av veke 8	Rådmann

Innstilling frå arbeidsgrupper	Innan utgangen av veke 21.	Arbeidsgrupper
Ny organisasjonsstruktur	Innan utgangen av veke 24.	Rådmann
Intern utlysing	Søknadsfrist 29.07	Rådmann
Tilsetjing i nye stillingar	Innan 01.09	Rådmann

## Fase 2

Implementering ny organisasjon: 01.09-31.12.

### **Premissar for prosessen:**

- Leiarane er sikra stilling i Herøy kommune og får behalde noverande løn.
- Leiarane skal vere sikra lønsutvikling i samsvar med gjennomsnittleg lønsutvikling.
- Dei tilsette sine rettar skal sikrast i prosessen.
- Arbeidet skal skje i samarbeid med dei tilsette sine organisasjonar.

Med helsing

Olaus-Jon Kopperstad

